



**Actividade** Convocatoria sesión ordinaria Pleno  
**Número expediente** PLN/2026/01

**PLN/2026/01- ACTA DA SESIÓN ORDINARIA CELEBRADA POLO PLENO DO CONCELLO DE MUGARDOS O DÍA VINTE E OITO DE XANEIRO DE DOUS MIL VINTE E SEIS.**

Sendo as dezanove horas e trinta minutos do vinte e oito de decembro do ano dous mil vinte e seis, reúnese o Pleno aos efectos de celebrar a sesión ordinaria, baixo a presidencia do Alcalde, D. Juan Domingo de Deus Fonticoba, contando coa presenza dos seguintes concelleiros/as:

| Cadro de asistencia                  |            |
|--------------------------------------|------------|
| Concelleiro/a                        | Asistencia |
| Juan Domingo de Deus Fonticoba       | Asiste     |
| Jorge Manuel Kuntz Peiteado          | Asiste     |
| Ana Varela Bastida                   | Asiste     |
| Begoña María Gómez Díaz              | Asiste     |
| Patricia Ruíz de Azcárate Casteleiro | Asiste     |
| Evaristo Deus Deus                   | Asiste     |
| Verónica Fernández Varela            | Asiste     |
| Javier Cartelle Cudilleiro           | Asiste     |
| Ignacio Fernández Fernández          | Asiste     |
| José Ángel Martínez Bardanca         | Asiste     |
| Marta Ruiz del Ganso                 | Asiste     |
| María Dolores González Lorenzo       | Asiste     |
| Iván Martínez González               | Asiste     |

Actúa como secretaria a titular do posto de secretaria xeral, Dna. Paula E. Ramos Díaz.  
Coa presenza da titular do posto de intervención , Ana María Gómez Peña.



Déixase constancia de que para os efectos do cumprimento do deber de publicidade activa e de conformidade co establecido no artigo 5.3º da Lei 19/2013, do 9 de decembro, de transparencia, acceso á información e bo goberno, a acta reflicte as operacións de disociación de datos de natureza persoais necesarias así como as impostas polo artigo 51 do Real Decreto Lexislativo 1/2004, de 5 de marzo, polo que se aproba o texto refundido da Lei do Catastro Inmobiliario.

Aberta a sesión pola presidencia, éntrese no estudo e discusión dos asuntos incluídos na orde do día.

**A) PARTE RESOLUTIVA**

**1º.- SECRETARÍA.-APROBACIÓN DA ACTA DA SESIÓN ANTERIOR PLN/2025/20 (30.12.2020)** . Para os efectos previstos no artigo 91 do Real Decreto 2568/1986, de 28 de novembro, de Organización, Funcionamento e Réxime Xurídico das Entidades Locais, sométese á consideración do Pleno:

- Borrador da acta da sesión ordinaria realizado polo Pleno con data **30.12.2025 (2025-0020)**

Sometida a votación ordinaria acádase o seguinte resultado:

|                        |           |            |                  |           |
|------------------------|-----------|------------|------------------|-----------|
| <b>Grupo municipal</b> | PP<br>(5) | BNG<br>(3) | PSdG-PSOE<br>(3) | EU<br>(2) |
| <b>Sentido do voto</b> | A favor   | A favor    | A favor          | A favor   |

En atención ao resultado acadado, o Pleno presta aprobación a devandita acta.

**2º.CONTRATACIÓN.- EXPEDIENTE 1816/2024.- RATIFICACIÓN RESOLUCIÓN ALCALDÍA Nº 2025-1605 APROBACIÓN PROXECTO EMENDADO POS + ADICIONAL 2/2025.** .- Expediente previamente elevado á consideración da CIP de Obras, Servizos, Medio ambiente e TICs con data 2 de xaneiro de 2026:

| Primeira quenda de intervencións |                                                                                                                                                                         |
|----------------------------------|-------------------------------------------------------------------------------------------------------------------------------------------------------------------------|
| <b>Grupo PSdG-PSOE</b>           | Solicita se eleven a Comisión Informativa os cambios aprobados polo Pleno da Deputación para o POS, para poder valorar como afectan ás obras solicitadas polo Concello. |

Rematado o debate e sometida a proposta a votación ordinaria, acádase ao seguinte resultado:

|                        |           |            |                  |            |
|------------------------|-----------|------------|------------------|------------|
| <b>Grupo municipal</b> | PP<br>(5) | BNG<br>(3) | PSdG-PSOE<br>(3) | EU<br>(2)  |
| <b>Sentido do voto</b> | A favor   | Abstención | Abstención       | Abstención |



En atención ao resultado da votación, o Pleno en uso das facultades previstas no art. 22 da Lei 7/1985, de 2 de abril, de Bases do Réxime Local, adoptou o seguinte **acordo**:

**Primeiro.-** Ratificar a Resolución de alcaldía núm. 2025-1605 nos seus propios termos.

**3º.- CONTRATACIÓN.- EXPEDIENTE 36/2021.- PETICIÓN DE REVISIÓN DE PREZOS CONTRATO SERVIZO AXUDA AO FOGAR.-** Inicia o exame deste punto da orde do día o Alcalde explicando o seu obxecto e antecedentes, expediente previamente elevado á consideración da Comisión Informativa de Facenda e Promoción Económica (expediente CIPFFC/2025/26), no que se emite o seguinte ditame:

**“2º.- CONTRATACIÓN.- EXPEDIENTE 36/2021.- SERVIZO DE AXUDA NO FOGAR. PETICIÓN DE REVISIÓN DE PREZOS.-** Consta no expediente informe-proposta de secretaría de 26 de decembro de 2025:

#### **INFORME**

##### **Antecedentes de feito**

- Expediente administrativo aberto na ferramenta de administración electrónica Gestiona 36/2021, “SERVIZO DE AXUDA NO FOGAR DO CONCELLO DE MUGARDOS POR PROCEDEMENTO ABERTO” no que consta peza separada aberta tras a presentación con data 26 de novembro de 2025 (número rexistro de entrada 2025-E-RE-3004), de solicitude de revisión de prezos pola contratista adxudicataria do contrato administrativo de servizo de axuda no fogar. Xunta á petición informe económico no que se indica: “El contrato del servicio de ayuda a domicilio (SAD) en el municipio de Mugardos, expediente 36/2021, adjudicado a Protección Geriátrica 2005, S.L., el contrato se inició el 01/07/2022 y finalizó el 30/06/2025 tras tres años de vigencia, sin que se formalizara la prórroga de un año adicional. A pesar de ello, la empresa continúa prestando el servicio hasta nuevo adjudicatario.

El objetivo del presente informe es justificar el precio hora exigido para la correcta ejecución del servicio siguiendo el método de cálculo establecido en el Pliego de Condiciones Administrativas (PCAP) para determinar el precio hora tipo de licitación, a dicho método se le aplicará la revalorización salarial conforme al convenio colectivo de ámbito autonómico para la actividad de ayuda a domicilio de Galicia (código del convenio 8200675), basado en el Índice de Precios al Consumo (IPC). Cabe señalar que las tablas salariales incluidas en el PCAP corresponden a 2019, pese a que los pliegos se publicaron en 2021, circunstancia que no se comprende. Y a modo de actualización salarial para el periodo del contrato, introducen un incremento del 7,5% sobre los costes salariales obtenidos según tablas del 2019...”.

Consta no mesmo expediente e para os efectos da emisión do presente informe, entre outros, a seguinte documentación:

a) Certificado do acordo adoptado polo Pleno en sesión extraordinaria realizada con data 18 de agosto de 2021 prestando aprobación ao expediente de contratación do contrato de servizos AXUDA NO FOGAR PARA O CONCELLO DE MUGARDOS.

b) Certificado do acordo adoptado polo Pleno con data 27 de abril de 2022 polo que se acorda a adxudicación do contrato de servizos AXUDA NO FOGAR PARA O CONCELLO DE MUGARDOS, a PROTECCIÓN GERIÁTRICA 2025, SL.. Contrato formalizado con data 13 de xuño de 2022.

c) Non consta documentación xustificativa da formalización de prórroga ningunha nin de orde de continuidade por interese público. Con todo, o contrato se segue a prestar dende a expiración da súa vixencia, segundo o mesmo réxime previsto con ocasión da súa licitación.

##### **Consideracións xurídicas**

##### **Primeira.- Revisión de prezos. Marco xeral e contractual**

Conforme ao art. 103.1º, 2º, 3º e 4º LCSP:



“1. Os prezos dos contratos do sector público só poderán ser obxecto de revisión periódica e predeterminada nos termos establecidos neste Capítulo. Salvo nos contratos non suxeitos a regulación harmonizada aos que se refire o apartado 2 do artigo 19, non caberá a revisión periódica non predeterminada ou non periódica dos prezos dos contratos.

2. Previa xustificación no expediente e de conformidade co previsto no Real Decreto ao que se refiren os artigos 4 e 5 da Lei 2/2015, do 30 de marzo, de desindexación da economía española, a revisión periódica e predeterminada de prezos só se poderá levar a cabo nos contratos de obra, nos contratos de subministracións de fabricación de armamento e equipamento das Administracións Públicas, nos contratos de subministración de enerxía e naqueloutros contratos nos que o período de recuperación do investimento sexa igual ou superior a cinco anos. Devandito período calcularase conforme ao disposto no Real Decreto anteriormente citado. Non se considerarán revisables en ningún caso os custos asociados ás amortizacións, os custos financeiros, os gastos xerais ou de estrutura nin o beneficio industrial. Os custos de man de obra dos contratos distintos dos de obra, subministración de fabricación de armamento e equipamento das Administracións Públicas, revisaranse cando o período de recuperación do investimento sexa igual ou superior a cinco anos e a intensidade no uso do factor traballo sexa considerada significativa, de acordo con os supostos e límites establecidos no Real Decreto. Con todo, previa xustificación no expediente, poderá admitirse a revisión de prezos nos contratos que non sexan de obras, de subministracións de fabricación de armamento e equipamento das Administracións Públicas ou de subministración de enerxía, aínda que o seu período de recuperación do investimento sexa inferior a cinco anos sempre que a suma da participación no orzamento base de licitación do contrato das materias primas, bens intermedios e enerxía que se haxan de empregar supere o 20 por cento do devandito orzamento. Nestes casos a revisión só poderá afectar á fracción do prezo do contrato que representa dita participación. O prego deberá indicar o peso de cada materia prima, ben intermedio ou subministración enerxética con participación superior ao 1 por cento e o seu respectivo índice oficial de revisión de prezos. Non será esixible para a inclusión nos pregos da fórmula de revisión a aplicar ao prezo do contrato a emisión de informe polo Comité Superior de Prezos de Contratos do Estado.

3. Nos supostos en que proceda, o órgano de contratación poderá establecer o dereito a revisión periódica e predeterminada de prezos e fixará a fórmula de revisión que deba aplicarse, atendendo á natureza de cada contrato e a estrutura e evolución dos custos das prestacións do mesmo.

4. O prego de cláusulas administrativas particulares deberá detallar, en tales casos, a fórmula de revisión aplicable, que será invariable durante a vixencia do contrato e determinará a revisión de prezos en cada data respecto a a data de formalización do contrato, sempre que a formalización prodúzase no prazo de tres meses desde a finalización do prazo de presentación de ofertas, ou respecto a a data en que termine devandito prazo de tres meses se a formalización prodúcese con posterioridade.”.

E segundo o réxime contractual previsto nos PCAP:

**-Cláusula 3ª PCAP:**

“3.1.- El contrato definido tiene la calificación de contrato administrativo de servicios, de acuerdo con el artículo 17 de la Ley 9/2017, de 8 de noviembre, de Contratos del Sector Público, por la que se transponen al ordenamiento jurídico español las Directivas del Parlamento Europeo y del Consejo 2014/23/UE y 2014/24/UE, de 26 de febrero de 2014, sujeto a regulación armonizada conforme a los umbrales reconocidos en los artículos 19 y 22 de la citada Ley.

...”.

**- Cláusula 8ª PCAP:**

“En la presente contratación no cabe la revisión de precios.”.

Indicación igualmente recollida no punto 15 do **“ANEXO I: CUADRO DE CARACTERÍSTICAS DEL CONTRATO”**.

**- Cláusula 9ª PCAP:**

“El contrato tendrá un plazo máximo de duración de 3 años con posibilidad de una prórroga de 1 anualidad. La duración del contrato se contará a partir del día siguiente al de la formalización del contrato o desde la fecha fijada en el documento contractual.”

Descoñécese e non existe xustificación no expediente da ausencia de tramitación de prórroga contractual en tanto non se licita novamente o servizo.. Deixando constancia do parecer disconforme de secretaría para os efectos previstos nos arts. 28 e 29 LCSP, cuxo réxime



excepcional prevé unha duración máxima de nove meses, debendo o órgano de contratación proceder a inmediata nova licitación.

Con todo, o contrato licitado tiña unha duración de tres anos a contar dende o día seguinte ao 22 de xuño de 2022 e por tanto inferior á prevista na norma contractual (inferior a cinco anos), sen que se previse de forma excepcional e motivada a aplicación de fórmula de revisión de prezos en función do establecido no art. 103.2º LCSP.

Ao que se debe unir que o IPC, como fórmula de revisión de prezos, está prohibido desde 2014, ao abeiro da disp. adic. 88ª da Lei 22/2013, do 23 de decembro, de Orzamentos Xerais do Estado para o ano 2014, carecendo de cobertura e na normativa sobre desindexación da economía española (Lei 2/2015, do 30 de marzo, de desindexación da economía española e RD 55/2017, do 3 de febreiro, polo que se desenvolve a Lei 2/2015).

De interpretarse que esta situación non amparada no art. 29 LCSP e na Cláusula 9ª PCAP, xenera un novo escenario contractual en tanto non existe unha nova licitación, serían igualmente aplicables as prevencións de referencia previstas na normativa contractual e sobre desindexación da economía, polo que non cabería a revisión de prezos, excluindo en todo caso o factor IPC.

Tolo elo sen prexuízo de que o contratista poda presentar, no seu caso, petición de así existir, dos danos e prexuízos que a prestación do servizo lle poda ocasionar.

Polo que en atención ás consideracións realizadas, elévase á consideración do órgano de contratación competente Pleno (DA 2ª LCSP), a seguinte proposta de acordo:

**Primeiro.-** Desestimar a petición de revisión de prezos en función de IPC formulada por PROTECCIÓN GERIÁTRICA 2025, SL.

**Segundo.-** Dar traslado do acordo que así se adopte a PROTECCIÓN GERIÁTRICA 2025, SL con indicación do réxime de recursos.”

[...]

Rematado o debate e sometido a votación ordinaria, acádase o seguinte resultado:

| Grupo municipal           | PP<br>(5) | BNG<br>(3) | PSdG-PSOE<br>(3) | EU<br>(2) |
|---------------------------|-----------|------------|------------------|-----------|
| Sentido do voto ponderado | A favor   | Abstención | Abstención       | A favor   |

En atención ao resultado da votación a Comisión emite o seguinte **ditame**:

**Primeiro.-** Desestimar a petición de revisión de prezos en función de IPC formulada por PROTECCIÓN GERIÁTRICA 2025, SL.

**Segundo.-** Dar traslado do acordo que así se adopte a PROTECCIÓN GERIÁTRICA 2025, SL con indicación do réxime de recursos.”

Non formulándose debate e sometido a votación ordinaria, acádase ao seguinte resultado:

| Grupo municipal | PP<br>(5) | BNG<br>(3) | PSdG-PSOE<br>(3) | EU<br>(2) |
|-----------------|-----------|------------|------------------|-----------|
| Sentido do voto | A favor   | Abstención | Abstención       | A favor   |

A Portavoz do grupo EU explica o sentido do seu voto xa que estima necesario que se fixe un importe para un servizo que non é de competencia municipal, ao considerar insuficiente o fixado na FEGAMP.

En atención ao resultado da votación, o Pleno en uso das facultades previstas no art. 22 da Lei 7/1985, de 2 de abril, de Bases do Réxime Local e a DA 2ª da Lei 9/2017, de 8 de novembro de Contratos do Sector Público, adoptou o seguinte **acordo**:



**Primeiro.-** Desestimar a petición de revisión de prezos en función de IPC formulada por PROTECCIÓN GERIÁTRICA 2025, SL.

**Segundo.-** Dar traslado do acordo que así se adopte a PROTECCIÓN GERIÁTRICA 2025, SL con indicación do réxime de recursos.

**4º.- SECRETARÍA.- EXPEDIENTE 31/2026. CONVENIO (APROBACIÓN, MODIFICACIÓN OU EXTINCIÓN. ADHESIÓN AO CONVENIO DE COLABORACIÓN SUBSCRITO ENTRE A XUNTA DE GALICIA, A TRAVÉS DA CONSELLERÍA DE MEDIO RURAL, E SEAGA, EN MATERIA DE PREVENCIÓN E DEFENSA CONTRA INCENDIOS FORESTAIS, PARA A CONSOLIDACIÓN DO SISTEMA PÚBLICO DE XESTIÓN DA BIOMASA NAS FAIXAS SECUNDARIAS.** Expediente elevado previamente á consideración da CIP de Obras, Servizos, Medio Ambiente e TICs en sesión realizada con data 15 de xaneiro de 2026.

| Primeira quenda de intervencións |                                                                                                                                                                                                               |
|----------------------------------|---------------------------------------------------------------------------------------------------------------------------------------------------------------------------------------------------------------|
| Grupo PP                         | Inicia o exame deste punto da orde do día o concelleiro delegado de área explicando os antecedentes do expediente e as modificacións que considera non significativas incorporadas ao texto do novo convenio. |
| Grupo PSdG-PSOE                  | Intervén o concelleiro Ignacio Fernández Fernández que adianta a abstención do seu grupo por non poder ser participes na fase de elaboración do documento, realizando as achegas oportunas.                   |

| Segunda quenda de intervencións |                                                                                                                                                              |
|---------------------------------|--------------------------------------------------------------------------------------------------------------------------------------------------------------|
| Grupo PP                        | O Alcalde resposta que o texto do convenio é único para todos os concellos do que resalta as axudas para compra de maquinaria ou o aumento do financiamento. |

Rematado o debate e sometido a votación ordinaria, acádase ao seguinte resultado:

| Grupo municipal | PP<br>(5) | BNG<br>(3) | PSdG-PSOE<br>(3) | EU<br>(2)  |
|-----------------|-----------|------------|------------------|------------|
| Sentido do voto | A favor   | Abstención | Abstención       | Abstención |

En atención ao resultado da votación, o Pleno en uso das facultades previstas no art. 22 da Lei 7/1985, de 2 de abril, de Bases do Réxime Local, adoptou o seguinte **acordo**:



**Primeira.-** Solicitar a adhesión ao convenio de colaboración subscrito entre a Xunta de Galicia, a través da Consellería do Medio Rural, e Seaga, en materia de prevención e defensa contra incendios forestais, para a consolidación do sistema público de xestión da biomasa nas faixas secundarias.

**Segundo.-** Manifestar a vontade do concello de Mugardos de adherirse formal e expresamente a todas e cada unha das cláusulas do convenio mencionado, asumindo as obrigas e compromisos derivados del e con suxeición plena a todas elas.

**5º.- FACENDA.- EXPEDIENTE 32/2026.- MODIFICACIÓN DE CRÉDITOS 01/2026.-** Expediente sometido previamente á consideración da CIP de Facenda e Promoción Económica en sesión ordinaria realizada con data 15 de xaneiro de 2026, abrindo o exame do mesmo o Alcalde que explica os seus antecedentes.

Non subscitándose debate e sometido a votación ordinaria, acádase ao seguinte resultado:

|                        |           |            |                  |           |
|------------------------|-----------|------------|------------------|-----------|
| <b>Grupo municipal</b> | PP<br>(5) | BNG<br>(3) | PSdG-PSOE<br>(3) | EU<br>(2) |
| <b>Sentido do voto</b> | A favor   | Abstención | Abstención       | A favor   |

En atención ao resultado da votación, o Pleno en uso das facultades previstas no art. 22 da Lei 7/1985, de 2 de abril, de Bases do Réxime Local, adoptou o seguinte **acordo**:

**Primeiro.-** Aprobar inicialmente o expediente de modificación de créditos **MC 01/2026**, de créditos extraordinarios , financiados con cargo a baixas por anulación total ou parcial de créditos non comprometidos do Estado de Gastos do orzamento en vigor, cunhas consignacións susceptibles de redución sen perturbar o funcionamento dos respectivos servizos, por importe de **40.000,00 euros**, de acordo co seguinte esquema:

**1º CREDITOS EXTRAORDINARIOS**

**A) CRÉDITOS EXTRAODINARIOS ( aplicacións non dotadas no orzamento)**

**Altas en Aplicacións de Gastos**

| Prox | Aplicación |           | Descrición                                                                                                       | Créditos<br>iniciais | Crédito<br>extraordinario | Créditos<br>finais |
|------|------------|-----------|------------------------------------------------------------------------------------------------------------------|----------------------|---------------------------|--------------------|
|      | Prog.      | Económica |                                                                                                                  |                      |                           |                    |
|      | 342        | 63200     | Obras de subsanación de deficiencias das patoloxías máis urxentes ( nº1,2,4 e 5) no Complexo Acuático do Castro. | 0                    | 40.000,00                 | 40.000,00          |
|      |            |           | <b>TOTAL</b>                                                                                                     | <b>0</b>             | <b>40.000,00</b>          | <b>40.000,00</b>   |

**2ºFINANCIAMENTO**



Para financiar os novos créditos sinalados no apartado anterior, pódense arbitrar os recursos seguintes :

A ) Con cargo ó remanente líquido de Tesourería para gastos xerais por importe de 0 €.

B) Con cargo a novos ou maiores ingresos sobre os totais previstos no Orzamento corrente 0 €.

C) Esta modificación financíase con cargo a baixas por anulación total ou parcial de créditos non comprometidos do Estado de Gastos do orzamento en vigor , cunhas consignacións susceptibles de redución sen perturbar o funcionamento dos respectivos servizos por importe de **40.000,00 €** co seguinte detalle:

| Prox.        | Aplicación Orzamentaria | Consignación antes deste expediente (€) | Cantidade a anular ou minorar (€) | Consignación resultante ( € ) | Explicación da baixa na consignación                                                                                             |
|--------------|-------------------------|-----------------------------------------|-----------------------------------|-------------------------------|----------------------------------------------------------------------------------------------------------------------------------|
|              | 432/20200               | 11.000,00                               | 11.000,00                         | 0                             | Non está previsto o aluguer do baixo da Cofradía para a oficina de Turismo posto que actualmente está ubicada na casa do reloxo. |
|              | 4312/63200              | 108.774,64                              | 29.000,00                         | 79.774,64                     | Non está previsto a realización da citada obra neste exercicio.                                                                  |
| <b>TOTAL</b> |                         |                                         | <b>40.000,00</b>                  |                               |                                                                                                                                  |

D) Recursos procedentes de operacións de crédito, 0 €.

**Segundo.**-Expoñer , o expediente de modificación de créditos , ao público, mediante anuncio no Boletín Oficial da Provincia e no taboleiro de edictos do concello, de conformidade co disposto no artigo 169 do Texto Refundido da Lei Reguladora das Facendas Locais, polo prazo de quince días hábiles, para que os interesados poidan examinalo e presentar reclamacións.

No caso de que non se presenten reclamacións aos acordos entenderanse definitivamente adoptados, debendo publicarse dicha modificación do Orzamento resumida por capítulos no BOP e no taboleiro de anuncios do Concello, tal e como establecen os artigos 70.2, en relación co artigo 112.3 da Lei 7/1985 de 2 de abril, Reguladora das Bases de Réxime Local, e 169.3 do Real Decreto Lexislativo polo que se aprueba o Texto Refundido da Lei Reguladora das Facendas Locais.

**Terceiro.**- Dar traslado do presente acordo á Intervención e Tesourería municipal.

**6º.- SECRETARÍA.- MOCIÓN PRESENTADA POLO GRUPO MUNICIPAL DO PSdeG-PSOE SOBRE MODIFICACIÓNS INTRODUCIDAS NA LEI DO PATRIMONIO CULTURAL DE GALICIA.-** Tras dar cumprimento ao trámite e a toma de coñecemento pola Xunta de Portavoces, inicia o exame deste punto da orde do día o Portavoz do PSdeG-PSOE procedendo á súa lectura:



“...

A Lei de Medidas Fiscais e Administrativas, coñecida como Lei de Acompañamento dos Orzamentos Xerais da Comunidade Autónoma de Galicia, ten como finalidade propia a introdución de axustes técnicos e puntuais necesarios para a correcta execución orzamentaria. Porén, de maneira reiterada nos últimos anos, este instrumento normativo está a ser empregado para introducir reformas de fondo en leis sectoriais de especial relevancia, sen o debate público, a participación social nin o rigor parlamentario que este tipo de modificacións substantivas requiren.

Esta forma de proceder resulta especialmente preocupante cando afecta a unha norma estruturante como a Lei 5/2016, do 4 de maio, do patrimonio cultural de Galicia, que debería constituír o marco xurídico básico para a protección, conservación e posta en valor do patrimonio cultural galego, entendido como un ben colectivo, non renovable e de interese xeral.

As modificacións introducidas a través da Lei de Acompañamento evidencian unha orientación claramente desreguladora, amparada nunha suposta simplificación administrativa, que se traduce na redución dos controis previos, na flexibilización dos contornos de protección e no debilitamento da tutela efectiva da Administración autonómica sobre o patrimonio cultural. Este cambio de enfoque supón un tránsito desde un modelo preventivo e garantista cara a outro de control administrativo mínimo, con riscos evidentes para a conservación do patrimonio histórico, cultural e paisaxístico de Galicia.

Un dos aspectos máis problemáticos desta reforma é a transferencia de funcións decisorias aos concellos en relación coa valoración e protección dos bens culturais catalogados (coa excepción dos declarados Ben de Interese Cultural) sen que esta delegación vaia acompañada da correspondente dotación de recursos económicos nin de persoal técnico especializado. A maioría dos concellos non dispoñen de arquitectos, arqueólogos nin técnicos en patrimonio suficientes para asumir estas responsabilidades con garantías, o que pode derivar nunha aplicación desigual da normativa, inseguridade xurídica e unha protección insuficiente do patrimonio.

A esta circunstancia súmase a introdución do silencio administrativo positivo en procedementos que afectan directamente a bens patrimoniais, permitindo a execución de actuacións sen informe técnico expreso, precisamente nun contexto de insuficiencia estrutural de medios municipais. Na práctica, esta medida deixa os bens culturais catalogados nunha situación de vulnerabilidade incompatible cunha política pública responsable.

Especialmente sensible resulta a flexibilización da protección dos contornos dos Camiños de Santiago, bens declarados Patrimonio Mundial pola UNESCO, cuxa preservación esixe necesariamente a conservación do seu contexto territorial, ambiental e paisaxístico. A progresiva artificialización destes espazos pode comprometer non só a súa integridade cultural, senón tamén o seu recoñecemento e prestixio internacional.

Cómpre lembrar, ademais, que o artigo 46 da Constitución Española establece que os poderes públicos teñen a obriga de garantir a conservación e promover o enriquecemento do patrimonio histórico, cultural e artístico, con independencia da súa titularidade,



configurando esta protección como un mandato constitucional que vincula a todas as administracións públicas.

Desde esta perspectiva, as modificacións introducidas non responden a unha estratexia integral de política cultural nin a unha visión a longo prazo do patrimonio como elemento de cohesión social, identidade colectiva e desenvolvemento sostible, senón que priorizan a axilidade administrativa e determinados intereses sectoriais fronte á protección do interese xeral.

Por todo isto, o Grupo Municipal Socialista, propón ao Pleno a seguinte moción:

**PROPOSTA DO ACORDO**

O Pleno do Concello de.... insta á Xunta de Galicia a:

- 1. Instar á Xunta de Galicia a revisar as modificacións introducidas na Lei 5/2016, do 4 de maio, do patrimonio cultural de Galicia, a través da Lei de Acompañamento dos Orzamentos, co fin de garantir un nivel axeitado de protección do patrimonio cultural e paisaxístico, especialmente no relativo aos bens culturais catalogados e aos contornos dos Camiños de Santiago.
  - 2. Demandar que as reformas da lexislación cultural se tramiten a través de procedementos lexislativos ordinarios, con participación dos concellos, dos profesionais do patrimonio e da cidadanía, evitando o uso da Lei de Acompañamento para modificacións de carácter substantivo.
  - 3. Solicitar que calquera delegación de funcións aos concellos en materia de patrimonio cultural vaia acompañada da correspondente dotación de recursos económicos, persoal técnico cualificado e mecanismos efectivos de coordinación interadministrativa que permitan o exercicio destas competencias con garantías.
  - 4. Reclamar a eliminación do silencio administrativo positivo nos procedementos que afecten a bens patrimoniais, asegurando a necesidade de informes técnicos expresos como instrumento básico de seguridade xurídica e operativa na toma de decisións.
- ...

| Primeira quenda de intervencións |                                                                                                                                                                                                                                                                     |
|----------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------|
| Grupo EU                         | Toma a palabra a Portavoz do Grupo. En Comisión Informativa realizada con data 2 de xaneiro de 2026, solicitou que se elevasen á súa consideración os cambios introducidos e as implicacións para o Concello. Polo que non se posicionarán en tanto non as coñezan. |
| Grupo BNG                        | Intervén o concelleiro Evaristo Deus Deus. Solicita realizar unha emenda de forma que no pronunciamento primeiro en lugar de                                                                                                                                        |



|                         |                                                  |
|-------------------------|--------------------------------------------------|
|                         | “revisar” se recolla “retirar” as modificacións. |
| <b>Grupo PSdeG-PSOE</b> | Acepta a emenda e agradece o apoio.              |

Rematado o debate e sometida a moción a votación ordinaria, acádase ao seguinte resultado:

| <b>Grupo municipal</b> | PP<br>(5) | BNG<br>(3) | PSdG-PSOE<br>(3) | EU<br>(2)  |
|------------------------|-----------|------------|------------------|------------|
| <b>Sentido do voto</b> | En contra | A favor    | A favor          | Abstención |

En atención ao resultado da votación, o Pleno en uso das facultades previstas no art. 22 da Lei 7/1985, de 2 de abril, de Bases do Réxime Local, adoptou o seguinte **acordo**:

**Primeiro.-** Instar á Xunta de Galicia a retirar as modificacións introducidas na Lei 5/2016, do 4 de maio, do patrimonio cultural de Galicia, a través da Lei de Acompañamento dos Orzamentos, co fin de garantir un nivel axeitado de protección do patrimonio cultural e paisaxístico, especialmente no relativo aos bens culturais catalogados e aos contornos dos Camiños de Santiago.

**Segundo.-** Demandar que as reformas da lexislación cultural se tramiten a través de procedementos lexislativos ordinarios, con participación dos concellos, dos profesionais do patrimonio e da cidadanía, evitando o uso da Lei de Acompañamento para modificacións de carácter substantivo.

**Terceiro.-** Solicitar que calquera delegación de funcións aos concellos en materia de patrimonio cultural vaia acompañada da correspondente dotación de recursos económicos, persoal técnico cualificado e mecanismos efectivos de coordinación interadministrativa que permitan o exercicio destas competencias con garantías.

**Cuarto.-** Reclamar a eliminación do silencio administrativo positivo nos procedementos que afecten a bens patrimoniais, asegurando a necesidade de informes técnicos expresos como instrumento básico de seguridade xurídica e operativa na toma de decisións.

## 7º.- SECRETARÍA.- MOCIÓN URXENTES

Moción presentada con data 16 de xaneiro de 2026, núm. rexistro de entrada 2026-E-RE-2027 polo grupo municipal BNG.

Non sendo coñecida polos restantes grupos, o Alcalde suspende a sesión durante 10 minutos para que o escritode moción poda ser trasladado ao resto, procedendo ao seu exame.

Sendo as vinte horas e tres minutos, reanúdase a sesión, solicitándose polo Presidente que o grupo propoñente, xustifique a súa urxencia.

A **Portavoz do grupo BNG** sinala que a moción ten por obxeto un problema que ve afectando a todos os mandatos e aínda que non poda ser presentado no POS 2026 polo prazo, si nalgún dos plans adicionais ao mesmo.



O **concelleiro delegado de Obras, Servicios, Medio Ambiente e TICs** toma a palabra. Adianta a abstención do seu grupo, deixando constancia de que se trata dun problema de carácter puntual.

Sometida a urxencia a ratificación, esta é considerada polo Pleno segundo o resultado da seguinte votación:

|                        |            |            |                  |           |
|------------------------|------------|------------|------------------|-----------|
| <b>Grupo municipal</b> | PP<br>(5)  | BNG<br>(3) | PSdG-PSOE<br>(3) | EU<br>(2) |
| <b>Sentido do voto</b> | Abstención | A favor    | A favor          | A favor   |

Escrito de moción ao que dá lectura a Portavoz do grupo BNG:

“...

### EXPOSICIÓN DE MOTIVOS:

As intensas chuvias destes últimos días volveron poñer de manifesto un problema estrutural grave que afecta a diversas zonas de Mugardos, especialmente en Cano da Rúa, Rúa Pixigo e a Gallada. Lonxe de ser un fenómeno meteorolóxico illado, estas inundacións son recorrentes: nalgúns puntos do centro, a veciñanza ten rexistradas máis de 13 inundacións graves dende a execución das obras de reurbanización.

A situación é insostible por tres factores clave:

1. Deficiencias técnicas: Existe un evidente erro de deseño ou execución nas redes de saneamento e pluviais. A insuficiencia das canaletas e a mestura de augas fecais coas pluviais non só provoca danos materiais nos fogares e baixos, senón que supón un grave risco de saúde pública.
2. Abandono do mantemento: A inacción do Goberno local é total. Existen drenaxes colapsadas por lodos e canaletas que foron soldadas, impedindo a súa limpeza sistemática.
3. Desatención á veciñanza: É inaceptable que os veciños e veciñas, mentres ven como a auga entra nas súas casas, non reciban resposta nin asistencia por parte do Concelleiro de Obras ou dos servizos municipais de garda.

Por todo o exposto, o BNG propón ao Pleno a adopción dos seguintes:

### ACORDOS

**PRIMEIRO.**– Que o Goberno municipal encargue, de xeito inmediato, un Estudo Técnico Integral sobre o estado das redes de saneamento e pluviais nas zonas de Cano da Rúa, Rúa Pixigo e a Gallada, para identificar os erros de deseño e as obras necesarias para separar as redes e aumentar a capacidade de evacuación.

**SEGUNDO.**– Que o Concello de Mugardos priorice o financiamento destas obras de reforma técnica incluíndoas no vindeiro Plan de Obras e Servizos (POS+) da Deputación da Coruña ou solicitando unha subvención directa por emerxencia á Xunta de Galicia.

**TERCEIRO.**– Que se poña en marcha de inmediato un Plan de Mantemento Preventivo de toda a rede de sumidoiros e canaletas do concello, procedendo á súa limpeza profunda antes das épocas de chuvias e substituíndo as pezas (como as canaletas soldadas) que impiden hoxe o correcto mantemento.



**CUARTO.**– Que o Goberno local estableza un protocolo de comunicación eficaz e directo coa veciñanza afectada para informar dos avances técnicos e dar resposta inmediata en caso de novas incidencias.”

| Primeira quenda de intervencións |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |
|----------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Grupo PSdG-PSOE</b>           | <p>Toma a palabra o Portavoz. Pese a que as incidencias podan ser asociadas a un fenómeno metereolóxico recente, ven a evidenciar un problema de mantemento.</p> <p>Lembra que no ano 2022 o seu grupo propuso e o Pleno aprobou, un proxecto que contemplaba a substitución das redes en toda a zona afectada (Reurbanización da Avenida de Galicia). Proxecto que da resposta aos pronunciamentos primeiro e segundo da moción.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            |
| <b>PP</b>                        | <p>Intervén o concelleiro delegado de Obras, Servicios, Medio Ambiente e TICs. Asume o indicado pola Portavoz do grupo BNG respecto de que se trata dun problema que ven de anos atrás máis destaca que se ben no periodo comprendido entre o ano 2019 e o ano 2020 se produciron dez inundacións, nos dez anos seguintes tan só se rexistraron tres.</p> <p>De seguido pon exemplos dos problemas que en días previos sufriron outros concellos (Cedeira, Betanzos, A Coruña...).</p> <p>Cita un informe de Alejandro Virosta relativo ás actuacións realizadas na zona afectada polos problemas.</p> <p>Indica que existe outro proxecto que posibilitou que se reducesen os problemas cando se producen fenómenos metereolóxicos intensos, pese a reiterar que son incidencias puntuais.</p> <p>Destaca a labor realizada pola brigada de obras e traslada que hai unha empresa contratada que cada dous meses realiza unha labor de limpeza e mantemento da rede.</p> <p>Engade que se xestionaron os avisos e chamadas sen que a veciñanza puidese sentirse desatendida, lembrando que ate unha situación de emerxencia, debe chamarse ao 112 e tras consulta realizada, pode comprobarse que o día das chuvias máis intensas o teléfono 112 non rexistrou aviso ningún máis sí remata, o servizo de obras e a empresa.</p> |



| Segunda quenda de intervencións |                                                                                                                                                                                                                                                                                                                                                                                                                                                                                                                                                                                                                                                                    |
|---------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Grupo EU</b>                 | <p>Toma a palabra a Portavoz do Grupo. O proxecto xa se encargou por EU a Proyfe, SL por un importe aproximado de 400.000,00 euros para poder imputalo en diferentes fases do POS. Lembra que nun POS adicional se renunciou a realizar unha das fases en base a que as obras molestarían á veciñanza e era necesario actuar en máis zonas que no centro de Mugar dos.</p> <p>Solicita sesións monográficas da Comisión Informativa para o seguimento do probelma.</p> <p>Remata a súa intervención mostrando o apoio do seu grupo á moción para que as actuacións se leven a cabo, e despois se solventen os problemas da mesma natureza existentes no porto.</p> |
| <b>Grupo PSdG-PSOE</b>          | <p>Intervén o Portavoz do grupo. Á marxe dos fenómenos metereolóxicos, as deficiencias existen.</p> <p>Como xa existe un proxecto solicita que se aclare a súa vixencia e se se acepta polo grupo BNG a súa conformidade co seu obxecto, mostran a súa vontade de sumarse á moción presentada.</p>                                                                                                                                                                                                                                                                                                                                                                 |
| <b>Grupo PP</b>                 | <p>Intervén o concelleiro delegado de Obras, Servicios, Medio Ambiente e TICs.</p> <p>Critica o literal do pronunciamento terceiro da moción respecto das referencias aos servizos de garda, dudando da profesionalidade do servizo.</p> <p>Indica que xa existe un estudo técnico integral, sen que exista inconveniente algún en facelo se despois os restantes grupos se desprazan ás parroquias para trasladar que toda a inversión se concentra en Mugar dos.</p>                                                                                                                                                                                             |
| <b>Alcalde</b>                  | <p>Toma a palabra para deixar constancia:</p> <ul style="list-style-type: none"> <li>- Considera a moción oportunista en función das circunstancias de feito, tratándose dun problema do caudal que poden soportar as redes.</li> <li>- O concello actuou en todo momento mobilizando todos os recursos, realizándose antes os tratamentos preventivos.</li> </ul>                                                                                                                                                                                                                                                                                                 |



|                  |                                                                                                                                                                                                                                                                                                                                                                                                                                                                                                           |
|------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                  | <p>- O proxecto ao que se refire o Portavoz do grupo PSdG-PSOE non pudo ser tramitado pola ausencia de crédito para a achega municipal.</p> <p>- Súmase ás indicacións realizadas polo concelleiro delegado xa que ante situacións de esta natureza a veciñanza debe porse en contacto co teléfono 112.</p> <p>Pecha a súa intervención sinalando que por todo elo o seu grupo votará en contra.</p>                                                                                                      |
| <b>Grupo BNG</b> | <p>Toma a palabra a Portavoz.</p> <p>Resposta ao Portavoz do grupo PSdG-PSOE que non existe problema en retomar o seu proxecto máis en Comisión Informativa xa se adiantou que estaba caducado.</p> <p>A moción non critica a labor dos servizos se non a falta de contestación ás solicitudes presentadas pola veciñanza que non se atenderon.</p> <p>Non considera que se trate dun problema puntual polo que insta a que se eleve á consideración de Comisión Informativa e se estude entre todos.</p> |

Rematado o debate e sometido a votación ordinaria, acádase ao seguinte resultado:

| <b>Grupo municipal</b> | PP<br>(5) | BNG<br>(3) | PSdG-PSOE<br>(3) | EU<br>(2) |
|------------------------|-----------|------------|------------------|-----------|
| <b>Sentido do voto</b> | En contra | A favor    | A favor          | A favor   |

En atención ao resultado da votación, o Pleno en uso das facultades previstas no art. 22 da Lei 7/1985, de 2 de abril, de Bases do Réxime Local, adoptou o seguinte **acordo**:

**Primeiro.**– Que o Goberno municipal encargue, de xeito inmediato, un Estudo Técnico Integral sobre o estado das redes de saneamento e pluviais nas zonas de Cano da Rúa, Rúa Pixigo e a Gallada, para identificar os erros de deseño e as obras necesarias para separar as redes e aumentar a capacidade de evacuación.

**Segundo.**– Que o Concello de Mugardos priorice o financiamento destas obras de reforma técnica incluíndoas no vindeiro Plan de Obras e Servizos (POS+) da Deputación da Coruña ou solicitando unha subvención directa por emerxencia á Xunta de Galicia.

**Terceiro.**– Que se poña en marcha de inmediato un Plan de Mantemento Preventivo de toda a rede de sumidoiros e canaletas do concello, procedendo á súa limpeza profunda antes das épocas de chuvias e substituíndo as pezas (como as canaletas soldadas) que impiden hoxe o correcto mantemento.



**Cuarto.**– Que o Goberno local estableza un protocolo de comunicación eficaz e directo coa veciñanza afectada para informar dos avances técnicos e dar resposta inmediata en caso de novas incidencias.”

## **B) ACTIVIDADE DE CONTROL**

### **8º.- SECRETARÍA.-ESTADO DE EXECUCIÓN DE ACORDOS PRECEDENTES.-**

Dáse lectura á dilixencia estendida por Secretaría con data vine e dous de xaneiro de dous mil vinte e seis:

“MOCIÓN PRESENTADA POLO GRUPO MUNICIPAL DO PSdG-PSOE SOBRE MODIFICACIÓN DO USO DA ESCOLA UNITARIA DE O SEIXO PARA O DESENVOLVEMENTO DE ACTIVIDADES DIRIXIDAS Á PRESTACIÓN DE SERVIZOS SOCIAIS DESTINADOS Á ATENCIÓN ÁS PERSOAS MAIORES. Uniuse certificación do acordo ao expediente, ordeándose mediante Providencia de Alcaldía a continuación da tramitación para solicitar a efectiva desafectación da EEI así como a emisión de informe da traballadora social e arquitecta municipal para os efectos de verificar a aptitude urbanística do posible destino a un uso asistencial público para persoas maiores.

INICIO ACTUACIÓN EXPROPIACIÓN FORZOSA CON DECLARACIÓN DE URXENTE OCUPACIÓN “AMPLIACIÓN DA REDE MUNICIPAL DE SANEAMENTO DE AUGAS RESIDUAIS EN O MONTE (SANTIAGO DE FRANZA)” POS +2024. EXPEDIENTE 869/2021.- Realizado acto complementario de encintado e estaquillado da superficie obxecto de expropiación con data 25 de novembro de 2025 e asinado informe xurídico por secretaria con data 2 de decembro de 2025 segundo Anexo VI, con data 12 de decembro de 2025 (número rexistro de entrada 2025-E-RC-5285), comunícase pola Deputación da Coruña Resolución pola que se levanta a condición e se aproba definitivamente o investimento incluído no POS+2024 (código 2024.2000.0189.0).

EXPEDIENTE XESTIONA NÚM. 197/2023.- ACORDO DE AGRUPACIÓN DAS ENTIDADES CO FIN DE CONCORRER, DE FORMA CONXUNTA Á TERCEIRA CONVOCATORIA DE SUBVENCIÓNS (2024), EN CONCORRENCIA COMPETITIVA DE PROXECTOS DE MELLORA DA EFICIENCIA DO CICLO URBANO DA AUGA NO MARCO DO PLAN DE RECUPERACIÓN, TRANSFORMACIÓN E RESILIENCIA (PERTE DIXITALIZACIÓN DO CICLO DA AUGA), FINANCIADO POLA UNIÓN EUROPEA- NEXT GENERATION EU. Uniuse certificación do acordo ao expediente, deuse traslado do mesmo ao Concello de Ares, xunto coa documentación precisa para poder participar na citada convocatoria, formalizouse ante notario, xunto cos concellos de Ares e Fene, acta de manifestacións na que se manifesta a vontade de continuar no citado procedemento se unha vez resolto o mesmo, a agrupación formada recibe cando menos o 100% do importe solicitado, asumindo o compromiso de a tal efecto remitir ao órgano competente de cada Corporación o correspondente acordo para adoptar a decisión que corresponda, e presentouse a solicitude de participación na citada convocatoria.

EXPEDIENTE 1816/2024. PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL (PLAN ÚNICO DE CONCELLOS) 1ª FASE POS+ ADICIONAL 2/2025. Traslado pola Deputación da Coruña da Resolución de Presidencia de 1 de xullo de 2025 pola que se levantan as condicións do investimento “Renovación dos pavimentos da beirarrúa na rúa Os Corzás”, número rexistro de entrada 2025-E-RC-3152.Téndose recibido Resolución da Presidencia da Deputación provincial da Coruña de 26 de setembro de 2025 pola que se comunica que se considerou aprobada



a primeira fase do POS+ Adicional 2/2025 e na que se indica que o citado investimento está aprobado no POS+ Adicional 2/2025 (1ª fase) e que polo tanto poderase iniciar a súa adxudicación e posterior execución.

**MOCIÓN PRESENTADA POLO GRUPO MUNICIPAL BNG SOBRE CREACIÓN DO CONSELLO MUNICIPAL DE SAÚDE E BENESTAR (EXPEDIENTE 612/2025).**- Elevado á consideración do Pleno en sesión ordinaria realizada con data 29 de outubro de 2025, con data 20 de novembro de 2025, con data 25 de novembro de 2025 publicouse no BOP nº 226 o inicio do trámite de información pública, e con data 22 de decembro de 2025 no taboleiro de anuncios da sede electrónica, constando no portal de transparencia e no espazo de participación cidadá na elaboración normativa.

**EXPEDIENTE 1816/2024. PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL (PLAN ÚNICO DE CONCELLOS) POS+ 2025. RATIFICACIÓN DA RESOLUCIÓN DA ALCALDÍA NÚM. 2025-0743, SOBRE APROBACIÓN PROXECTO CORRIXIDO ACONDICIONAMENTO CLUB DO MAR.**- Achegouse certificación ao expediente, estando pendente de dar cumprimento a requirimento da Deputación provincial sobre dispoñibilidade dos terreos.

**EXPEDIENTE 1816/2024. PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL (PLAN ÚNICO DE CONCELLOS) 2ª FASE POS+ ADICIONAL 2/2025.**Uniuse certificación do acordo ao expediente e deuse traslado do acordo á Deputación Provincial de A Coruña. Con data 29 de outubro de 2025, número rexistro de entrada 2025-E-RC-4663, recíbese informe desfavorable de supervisión de proxectos da Deputación provincial, practicándose requirimento ao equipo redactor do proxecto (número rexistro de saída 2025-S-RE-3232, de 30 de outubro de 2025). Mediante Resolución de Alcaldía núm. 2025-1605, de 15 de decembro, prestouse aprobación ao proxecto emendado presentado con data 12 de decembro de 2025 (número rexistro de entrada 2025-E-RE-3157); téndose remitido o citado proxecto á Deputación Provincial de A Coruña.

**EXPEDIENTE 1769/2023.- DELEGACIÓN NA DEPUTACIÓN PROVINCIAL DA CORUÑA DAS FACULTADES DE XESTIÓN, LIQUIDACIÓN, INSPECCIÓN E RECADACIÓN TRIBUTARIAS.**- Rematado o prazo de presentación de alegacións sen que se presentase observación ou reclamación algunha, elevado o acordo provisional a definitivo con data 9 de decembro de 2025, no BOP nº 236 de 10 de decembro de 2025 publicouse anuncio comprensivo do acordo definitivo de delegación na Deputación provincial da Coruña das facultades de xestión, liquidación, inspección e recadación tributarias, remitíndose certificación de cumprimento de trámites á Deputación provincial con data 10 de decembro de 2025 (núm. Rexistro de saída 2025-S-RC-1575). Téndose publicado no BOP núm. 249, de data 30.12.2025, anuncio da Deputación Provincial da Coruña de aceptación da delegación de competencias tributarias do Concello de Mugardos, no que se indica que a delegación entrará en vigor o 1 de xaneiro de 2026 e que a delegación do Imposto sobre o incremento de valor dos terreos de natureza urbana terá efectos unicamente para as declaracións relativas a este imposto que se presenten a partir da citada data, sendo o prazo de vixencia da delegación das novas competencias de 10 anos.

**EXPEDIENTE 1816/2024. APROBACIÓN DO POS+ ADICIONAL 4/2025 1ª FASE GASTO CORRENTE.**- Achegouse certificación do acordo ao expediente, remitíndose este á Deputación con data 30 de outubro de 2025, e téndose recibido con data 24 de novembro de 2025 circular sobre a aprobación da primeira fase do Plan Provincial de



EXPEDIENTE 1982/2025. CONVENIOS (APROBACIÓN, MODIFICACIÓN OU EXTINCIÓN).- PROPOSTA DE “CONVENIO ENTRE LA SECRETARÍA DE ESTADO DE SEGURIDAD (DIRECCIÓN GENERAL DE LA GUARDIA CIVIL) Y EL AYUNTAMIENTO DE MUGARDOS (A CORUÑA) EN MATERIA DE SEGURIDAD”.- Achegouse certificación do acordo ao expediente e se deu traslado ao posto da Garda Civil en Mugardos do exemplar asinado.

EXPEDIENTE 2238/2025. MODIFICACIÓN BASES DE EXECUCIÓN DO ORZAMENTO MBE0 01/2025. 2ª PROPOSTA.- Uniuse certificación do acordo ao expediente publicándose anuncio de aprobación inicial no Boletín Oficial da Provincia, sen que no prazo de presentación de alegacións se teña presentado alegación algunha, constando informe da funcionaria encargada do rexistro xeral e certificación de secretaría comprensivos de tal extremo, téndose publicado no Boletín Oficial da Provincia núm. 250, de data 31.12.2025, anuncio de aprobación definitiva do expediente de modificación das Bases de Execución do Orzamento MBO 01/2025.

EXPEDIENTE 2237/2025. RECOÑECIMIENTO EXTRAJUDICIAL DE CRÉDITO 03/2025 (RELACIÓN CONTABLE DE FACTURAS F/2025/14). Uniuse certificación do acordo ao expediente.

EXPEDIENTE 654/2022. CONTA DE EXPLOTACIÓN DO COMPLEXO ACUÁTICO DO CASTRO ARES-MUGARDOS E INSTALACIÓNS ANEXAS, DO PERÍODO 01.04.2016 AO 31.03.2017. Uniuse certificación do acordo ao expediente, remitíndose notificación á empresa concesionaria.

EXPEDIENTE 653/2022. CONTA DE EXPLOTACIÓN DO COMPLEXO ACUÁTICO DO CASTRO ARES-MUGARDOS E INSTALACIÓNS ANEXAS, DO PERÍODO 01.04.2017 AO 31.03.2018. Uniuse certificación do acordo ao expediente, remitíndose notificación á empresa concesionaria.

EXPEDIENTE 1503/2021. CONTA DE EXPLOTACIÓN DO COMPLEXO ACUÁTICO DO CASTRO ARES-MUGARDOS E INSTALACIÓNS ANEXAS, DO PERÍODO 01.04.2018 AO 31.03.2019. Uniuse certificación do acordo ao expediente, remitíndose notificación á empresa concesionaria.

EXPEDIENTE 1238/2021. CONTA DE EXPLOTACIÓN DO COMPLEXO ACUÁTICO DO CASTRO ARES-MUGARDOS E INSTALACIÓNS ANEXAS, DO PERÍODO 01.04.2019 AO 31.03.2020. Uniuse certificación do acordo ao expediente, remitíndose notificación á empresa concesionaria.

EXPEDIENTE 1464/2022. CONTA DE EXPLOTACIÓN DO COMPLEXO ACUÁTICO DO CASTRO ARES-MUGARDOS E INSTALACIÓNS ANEXAS, DO PERÍODO 01.04.2020 AO 31.03.2021. Uniuse certificación do acordo ao expediente, remitíndose notificación á empresa concesionaria.

EXPEDIENTE 1857/2023. CONTA DE EXPLOTACIÓN DO COMPLEXO ACUÁTICO DO CASTRO ARES-MUGARDOS E INSTALACIÓNS ANEXAS, DO PERÍODO 01.04.2021 AO 31.03.2022. Uniuse certificación do acordo ao expediente, remitíndose notificación á empresa concesionaria.



EXPEDIENTE 2582/2025. RESOLUCIÓN CONVENIO SUBMINISTRO AUGA POTABLE SUBSCRITO CO CONCELLO DE FERROL AO ABEIRO DA DISPOSICIÓN ADICIONAL OITAVA DA LEY 40/2015, DE 1 DE OUTUBRO, DE RÉXIME XURÍDICO DO SECTOR PÚBLICO.- RATIFICACIÓN DA RESOLUCIÓN DE ALCALDÍA NÚM. 2025-1623, DE DEZASÉIS DE DECEMBRO DE DOUS MIL VINTE E CINCO. Uniuse certificación do acordo ao expediente e deuse traslado do mesmo ao Concello de Ferrol.

EXPEDIENTE 1816/2024.- POS + ADICIONAL 4/2025.- INVERTEMENTO FINANCIERAMENTE SOSTIBLE: RENOVACIÓN DO PARQUE INFANTIL DA PEDREIRA. Uniuse certificación do acordo ao expediente e presentouse a solicitude de participación na segunda fase do Plan provincial de cooperación ás obras e servizos de competencia municipal (Plan único de concellos) “POS+ ADICIONAL 4/2025” da Deputación Provincial da Coruña.

MOCIÓN DO GRUPO MUNICIPAL BNG PARA A RECUPERACIÓN DO PATRIMONIO E A IDENTIDADE: INSTITUCIÓN ESCOLAR FRANZA E O SEIXO. Uniuse certificación do acordo ao expediente remitiuse á alcaldía copia da moción presentada e certificación do acordo adoptado, e deuse traslado do citado acordo ao Arzobispado de Santiago de Compostela e á Dirección Xeral de Patrimonio Cultural da Xunta de Galicia

EXPEDIENTE 2547/2025.- POS+ ADICIONAL 1/2026 PARA GASTOS SOCIAIS EXTRAORDINARIOS DO EXERCICIO 2026. Uniuse certificación do acordo ao expediente e presentouse a solicitude de participación no Plan provincial de cooperación ás obras e servizos de competencia municipal (Plan único de concellos) “POS+ Adicional 1/2026” da Deputación Provincial da Coruña para o financiamento de gastos sociais extraordinario.“

**9º.- SECRETARÍA.- RESOLUCIÓN DE ALCALDÍA E CONCELLERÍAS DELEGADAS DENDE O DERRADEIRO PLENO ORDINARIO QUE COMPRENDE AS NUMERADAS ENTRE O ENTRE O ENTRE O 2025-1651 AO 2025-1730.**

O Pleno da por realizado o trámite.

**ROGOS E PREGUNTAS.**

| Rogos              |                                                                                                                                                                                                  |
|--------------------|--------------------------------------------------------------------------------------------------------------------------------------------------------------------------------------------------|
| Portavoz EU        | Solicita información sobre a licitación do servizo de mantemento do alumeado público.<br><br>En caso contrario roga que se eleven a Comisión Informativa os incumprimentos reitrados da empresa. |
| Portavoz PSdG-PSOE | Solicita que se eleven a Comisión Informativa información sobre as incidencias do contrato de mantemento do alumeado público.                                                                    |



|                                   |                                                                                                                                                                                                                                                                                                                                                    |
|-----------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Javier Cartelle Cudilleiro</b> | <p>Roga que a moción presentada sobre o punto limpo cos informes técnicos sexa elevada a Comisión Informativa.</p> <p>Roga que se eleve a Comisión o estado de tramitación do Consello de Saúde.</p> <p>Roga que se reparen as beirarrúas en Peteiro.</p> <p>Roga que se eleve a Comisión Informativa o informe sobre o derrube en Bestarruza.</p> |
|-----------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

Non habendo máis asuntos que tratar o Alcalde levantou a sesión sendo as vinte e unha horas e dous minutos, estendéndose a presente acta da que como secretaria dou fe e que conta cun soporte de grabación en video cuxa pegada dixital é:f535dfae130f5188cae94583773aa94f9db8351596a26a17de5af7f8fdc059d2fd21d3797f8bb16aa213d19f12958c20ceb0b7d6585fb8aeea98647076ec1653

E sonora cuxa pegada dixital é:  
1bf679651ef27f4270e53f6f1511f23c80a0bb9b90685307a4  
129acd2a7d08973e230752c91e318a727571a7ef8406772e5e  
7fd2818bb039ad1df6ee33e4f359

Visto e prace

O Presidente

A secretaria

Juan Domingo de Deus Fonticoba

Paula E. Ramos Díaz

